



Kaitohutohu Rautaki ā-Iwi | Strategic Advisor Iwi Relationships

He whakamārama i te tūranga

Te Tari:	Ngā Manu Atarau	
Ka Manaakitia e te:	Pou Awhi-ā-Iwi	
Te Mana Whakahaere:	ā-Pūtea ā-Kaimahi	Te Mana Whakahaere: N/A

Tuia te tangata, tuia ngā kōrero, tuia ngā taonga

Ko te whakatakanga a Te Papa kia mārama ki te onamata, kia whakarangatira i te inamata me te whakaeke i ngā whakapātaritari o te anamata. Ehara a Te Papa i te whare taonga ā-motu noa iho e tiaki ana i ngā taonga o Aotearoa. He wāhi huihui tēnei, he wāhi akoranga mutungakore, ā, he wāhi e hihiri ai te ngākau i te mīharo me te tūhononga.

Ko te kākanorua tētahi o ngā iho matua me ngā tikanga whakahaere a Te Papa, i hoahoatia ki te tūhura i te whai wāhitanga o te reo Māori me te ahurea ki te oranga, te ahurea me ngā mahi a te whare taonga, ahakoa iti, ahakoa nui hoki. Ka whakatipu, ka poipoi hoki a Te Papa i te āheinga whiti-ahurea, te āhei o te tangata o ngā ao ahurea rerekē, ki te pāhekoheko ngātahi i runga i te wairua pai, whakapiki wairua hoki.

Ko ngā uara e toru o Te Papa o te Whanaungatanga, Manaakitanga me te Auahatanga te iho o ā mātau mahi i Te Papa. Mā te tino mahi i roto i te rāngai ahurea, ā, i te taha o ngā iwi ka tūhono i te tangata ki ngā taonga me ngā kōrero.

He whakahaere whakamīharo a Te Papa ki te mahi, he māia ngā wawata mō te anamata.

Te Tari

Te aronga o Ngā Manu Atarau | The purpose of Ngā Manu Atarau

Tā Ngā Manu Atarau, he ārahi, he kōkiri hoki i te whanaketanga me te whakapakaritanga o te reo me ngā tikanga i Te Papa, ka mutu, he whai kia whakatutuki i a Te Papa ōna haepapa ki Te Tiriti o Waitangi me te ture mā te:

- *renarena i te taukaea i waenga i a Te Papa ngā whānau, ngā hapū, ngā iwi me ngā hapori*
- *tautoko i ngā whare pupuri taonga, i ngā whare whakairi toi, otirā i te iwi Māori whānui tonu*
- *manaaki me te tiaki i ngā taonga, i ngā kohanga me ngā tīpuna e ai ki ngā wawata o ngā whānau, o ngā hapū, me ngā iwi*
- *whakapakari i te āheinga o ngā kaimahi o Te Papa ki te whakamana i te reo Māori*
- *hika i te ahi kā o tō tātou marae, o Rongomaraeroa ā mohoa nei*

Ko te aronga o te tūranga

Ko tā te Kaitohutohu Rautaki ā-Iwi, he manaaki, he poipoi i ngā hononga motuhake o Te Papa ki te takitini a te Māori whānui, arā, ko ngā iwi, ngā hapū, ngā whānau, ngā tari Māori, me te takitahi anō hoki. Heoi anō tā te tūranga nei, he āta whai whakaaro ki te rautaki tika hei whai mā Te Papa mō te wāhi ki te whakapā atu ki a Ngāi Māori. Koia ko te puna mātauranga mō ngā hononga o Te Papa ki te iwi Māori. Ka mutu, me mātua waha i a ia ngā take whai hua ki te iwi Māori, kia ū tonu tātou ki te mātāpono Mana Taonga.

Ko te Kaitohutohu Rautaki ā-Iwi te kaitakawaenga i te iwi Māori me ngā tīma huhua o Te Papa. Me mārama kehokeho te tūranga nei ki ngā wawata me ngā hiahia o te ao Māori e pai ai tana tohu i te rautaki tika ki te whakatutuki i aua whāinga. Me toki te tangata nei ki te whakawhanaungatanga, me te manaaki i ngā hononga i waenga i a Te Papa me te ao Māori, kia whai hua ai rātou, ā mohoa nei.

He mea manaaki ngā Pou Tikanga o Te Papa me te iwi kāinga o Te Papa e te tūranga nei. He mea hika hoki i te ahi kā o tō tātou marae, o Rongomaraeroa e te tūranga nei, hei marae mō te motu whānui.

Ngā kawenga o te tūranga

- He renarena, he whakaahu, he tautoko, he manaaki, he whakahaere hoki i ngā hononga motuhake huri noa i a Te Papa
- He tautoko i ngā whakahaere a te kaupapa o Iwi in Residence, me te manaaki hoki i te iwi kāinga nō rātou ka manaaki i te mauri o te pae o Rongomaraeroa
- He whakahaere, he kōkiri hoki i ngā āhuatanga o Matariki me te Maramataka ki Te Papa
- He tautoko me te tuku whakaaro ki te whanaketanga o Te Papa hei whare taonga ka ārahina e Te Tiriti
- He tū hei waha mō Te Papa ki te ao Māori
- He kōkiri i te wāhi ki te whakawhanaungatanga me te toronga atu o Te Papa ki te ao Māori mō ngā kaupapa ka tū ki Te Papa
- He whakatutuki i ngā wawata me ngā hiahia o ngā iwi e whai pānga ana ki a Te Papa
- He hiki i ngā mānuka ka whakatakotoria e te iwi Māori whānui tonu ki runga a Te Papa

Ngā hononga matua

Ō roto o Te Papa

- Kaihautū
- Manukura Ngā Manu Atarau
- Pou Tikanga
- Pou Reo
- Pouwhirinaki ā-Iwi
- Te Tari o Ngā Manu Atarau
- Ngā Whetū Ririki
- Ngā kaiwhakahaere me ngā kaimahi a Te Papa

Ō waho o Te Papa

- Mana Whenua
- Te iwi kāinga o Te Papa
- Ngā rangatira o ngā iwi
- Ngā Tari Māori
- Manatū Taonga
- Te Ara Taonga
- Te Iwi Māori whānui tonu (iwi, hapū, whānau, marae, mātanga, tohunga)

Ngā kura, ngā wheako, me ngā tohu

- Ngā hononga ki ngā iwi, ki ngā tari Māori, me ngā rōpū Māori huhua
- Ngā pūkenga whakawhanaungatanga
- Ngā pūkenga kōrero, pūkenga tuhi anō hoki
- Ngā pūkenga matapakī, ngā pūkenga mātanga
- Ngā pūkenga mahi tahi ki tangata kē atu
- Te mōhio ki te whakakōrero i ngā āhuatanga o te ao Māori i te ao ōkawa, i te ao ōpaki anō hoki
- Te mōhio ki te reo me ngā tikanga Māori, otirā ki te whakaū i ērā tikanga ki ngā āhuatanga huhua ka puta ki Te Papa
- Te noho tūwhera ki ngā tikanga o iwi kē
- Te mōhio ki te whakamārama i ngā tikanga ki ngā momo tāngata katoa
- Me toki ki te rapu āheinga kia angitu ai te iwi Māori whānui tonu
- Me whakaute ki ngā tāngata katoa ō roto, ō waho hoki ō Te Papa ahakoa ko wai
- Me mātau ki ngā kōrero mō Te Tiriti o Waitangi
- Te mōhio ki te whakatakoto i te kupu ā-waha, ā-tuhi anō hoki kia mārāma te kaiwhakarongo, te kaipānui rānei i te take e kōrerohia ana
- Te mōhio ki te whakamahi rorohiko, otirā ngā pūnaha o Microsoft Office
- Te mōhio ki te noho mauri tau i ngā wā taumaha, kia noho mātāmua ko te aroha o tētahi ki tētahi
- Me toki ki te manaaki tangata

Ō mātou whāinga

Koinei Ngā Āheitanga Whanonga e tūmanakohia ana mō ngā kaimahi matua puta noa i Te Papa.

Te whakaterere mō te anamata	Te whakahonohono ki ētahi atu	<ul style="list-style-type: none"> Te urutau i tō aronga/āhua mō te whakatipu i te pono me te whakatutuki i ngā hiahia o ētahi atu Te mahi tahi ki ētahi me ō mātou hunga whai pānga kia tutuki ai ā mātau kaupapa rautaki matua Te whakaaronui ki ētahi atu
Kaitiakitanga	Te whakarei ake i te mahinga ā-whakahaere	<ul style="list-style-type: none"> Te āwhina kia momoho ai te tikanga kākanorua Te mahi kia pai ake
Te tautuhi me te whakawhanake i ā mātou kaimahi	Te whakapakari pūmanawa	<ul style="list-style-type: none"> Ākonga pūmau
Te whakatinana	Te whakatutuki i ngā whāinga hao nui	<ul style="list-style-type: none"> Te whakatutuki i ngā otinga tino kounga Te tautoko i tētahi taiao hiranga
Te āhua o te hautūtanga	He pākiki	<ul style="list-style-type: none"> He tere te panoni ki ngā āhuetanga hou, ngā āhuetanga me ngā whakaritenga e huri ana Te tuwhera ki ngā mōhiohio me ngā whakaaro e rerekē ana i ōu Kia pai te wairua Me upoko pakaru ahakoa ngā aukati, ngā tauārai me ngā raruraru He tangata āta whakarongo, he aro atu me te aroha
	He pono me te māia	<ul style="list-style-type: none"> He tuwhera te ngākau ki ētahi atu hoa mahi mō ō rātau māharahara He māia kia tutuki ai ngā hua He tōkeke te āhua He tiaki i ngā mōhiohio kia matatapu Kei a koe anō te tikanga mō āu ake mahi He tere, he whai take hoki ki te whakatika i ngā whanonga hē
	He tū pakari	<ul style="list-style-type: none"> He auau te kōrerorero ki tō kaiwhakahaere kia tika ai, kia toitū ai ngā utanga mahi Kei te mōhio koe ki tāu ake tikanga ki te ahotea koe, kia kōrero i ngā raru ki tō kaiwhakahaere, tētahi atu tangata tika rānei Kei a koe anō te tikanga mō tōu ake oranga tinana, oranga hinengaro hoki He kaha tonu ki te tono āwhina ina hiahiatia ana
	He mōhio ki tōu āhua, ā, he kakama hoki	<ul style="list-style-type: none"> He mārama ki ōu ake kaha, pūmanawa, arawātea hoki kia whanaketia He mōhio ki tōu ake āhua ako me ngā whanonga, ā, he pēhea te mahi pai ki ētahi atu Kia pono, kia mauri tau, kia ngākau titikaha te āhua

- He tuwhera te ngākau ki te whai āwhina i ētahi atu
- Te whakatau wenewene me ngā wehewehe whakaaro i runga i te wairua pai

Ka kawea e koe te aha

Wāhi Arotahi	Ngā Takohanga
Te Tikanga Kākanorua	E hāngai ana te tikanga kākanorua ki ia mahi me ia tūranga i roto o Te Papa, ahakoa hāngai, kore hāngai rānei i ngā āhuatanga iti me te nui. Kei runga i te Pou Tikanga ki te whai arawātea ki te hōpara i te whai wāhitanga o te tikanga kākanorua he whaikiko ki te kaikawe i te mahi.
Te Waihanga, te Whakahaere, me te Arotake i ngā Hononga a Te Papa ki Te Ao Māori	<p>Ko tā te tūranga nei, he whakaahu whanaungatanga hou, he manaaki hoki i ngā hononga kua roa e manaakihia nei e Te Papa. He kaha nō te tūranga nei ki te:</p> <ul style="list-style-type: none"> • Hui kanohi ki te kanohi ki te iwi Māori hei kanohi kitea i runga i ngā marae, i mua tonu i ngā iwi, me te iwi Māori whānui tonu • Tū hei kaitakawaenga mō te iwi Māori me Te Papa kia noho hei kaiwhakawhiti kōrero matua • Hiki i te mānuku me he wero, he kaupapa rānei kua whakatakotoria e te iwi Māori whānui tonu • Whakatutuki me te whakahaere i te mahinga tahitanga i waenga i ngā iwi huhua me Te Papa e whai tonu ana i ngā mātāpono o Te Papa • Whakatauiria me te whakatinana i ngā uara mō te wāhi ki te mahi tahi ki te iwi Māori • Noho tuwhera ki ngā āheinga e angitu ai te iwi Māori me te kōkiri i ngā mahi hei mahi kia tutuki tērā āheinga • Noho mataara ki ngā āhuatanga mō te wāhi ki te mahi tahi ki te iwi Māori, koi pupū te puehu • Hopu, whakaraupapa me te hora i ngā kōrero me ngā wānanga ka puta i ngā whakawhitinga kōrero i waenga i a Te Papa me te iwi Māori whānui • Tautoko i ngā mahi pūrongo me ngā mahi rekoata mō ngā mahere whakahoahoa i waenga i a Te Papa me te iwi Māori • Kōkiri i ngā mahi whakaaetanga
Te Mātauranga, Te Rautaki me ngā Haepapa	<p>Ka whakaawe, ka tautoko hoki te tūranga nei i te whanaketanga o Te Papa hei hinonga ka ārahina e Te Tiriti. Heoi anō tā te tūranga nei, he:</p> <ul style="list-style-type: none"> • Tautoko i te Pou Awhi ā-Iwi me ngā Pou Tikanga ki te whakahaere i te marae mō te motu whānui • Whai wāhi atu ki ngā kaupapa maha o runga i tō tātou marae, o Rongomaraeroa pēnei me ngā pōhiri • Whai wāhi atu ki ngā wānanga ki te kimi whakataunga mō ngā take tikanga e hāngai ana ki ngā taonga Māori otirā ki ngā kaupapa o runga o Rongomaraeroa • Whakahaere me te kōkiri i ngā wānanga ki te iwi Māori whānui tonu mō ngā take tikanga e hāngai ana ki ngā taonga Māori me ngā whakahaerenga o tō tātou marae • Whai wāhi atu ki ngā rōpū: Ngā Whetū Ririki me te Marae Working Group • Whai wāhi atu ki ngā tīma huhua puta noa i Te Papa ki te whakaū i te mātāpono Mana Taonga ki tēnā, ki tēnā



	<ul style="list-style-type: none"> • He ringa ki te whakatutuki i ngā hotaka mahi me ngā mahere mahi ā-kirimana, ā-whakataunga kerēme hoki
<p>Te Arotake, te Manaaki, me te Whakapakari i ngā hononga motuhake</p>	<ul style="list-style-type: none"> • Hiki i ngā mānuka ka whakatakatoria e te iwi Māori whānui tonu • Tautoko i te <i>Iwi in residence program</i> me te iwi kāinga o Te Papa nō rātau ka kuhu mai • Tautoko me te whakawhiti kōrero ki ngā Mana Whenua o Te Whanganui-a-Tara • Tū hei kaitakawaenga mō te iwi Māori whānui tonu me Te Papa, kia mātua tutuki ngā hiahia me te whai kia tata te pae tawhiti o te iwi Māori • Manaaki me te poipoi i ngā hononga o Te Papa ki te ao Māori mā te kimi ara kia angitu ai, kia whanake tonu ai, otirā kia whai hua ai te iwi Māori • Tuhura i ngā momo rautaki hei whakawhanake, hei whakat utuki hoki i ngā wawata o te iwi Māori mā te tirohanga Māori
<p>Te whakatinana i te wāhi ki te manaakitanga</p>	<p>Ka manaaki te tūranga nei i ngā whānau, i ngā hapū, i ngā iwi, i ngā tohunga, i ngā tari Māori otirā te iwi Māori whānui tonu mā te:</p> <ul style="list-style-type: none"> • Mahi tahi ki te Pou Awhi ā-Iwi me ngā Pou Tikanga ki te whakaū i te wāhi ki te tikanga, kia noho haumarua katoa tātou i roto i Te Papa, otirā i waho hoki • Whakautu i ngā tono me ngā take ka whakatakatoria e te iwi Māori whānui tonu ka ahu ana he take • Waha ake i ngā take whai hua ki te iwi Māori kia tutuki rā anō ō rātau wawata • Manaaki i te ao Māori whānui tonu nō rātau ka kuhu mai ki tō tātou whare, ka whai pānga rānei ki a tātau kaupapa
<p>Te Tuku Tautoko a te Rōpū</p>	<p>He mema te Kaitohutohu Rautaki ā-Iwi nō Ngā Manu Atarau, ā, kei runga i a ia mō te whakarite he aronga whānui tō te whakahaere mō te whakatutuki i te ahunga rautaki o Te Papa. Ko tā te Kaitohutohu Rautaki-ā-Iwi he:</p> <ul style="list-style-type: none"> • Mahi ngātahi me ētahi atu mema o te rōpū, ki te waihanga me te whakatinana i te ahunga rautaki o Te Papa me ngā mahere whakahaere tauwhāiti a te tari. • He tuku mōhiohio mō te taiao whakahaere, ngā rawa me ngā kaha hei whakamōhio i te whanaketanga rautaki me te whakatau tikanga. • Te whakatakoto otinga kia nui ai te pānga e ai ki te ine a te Anga Mahinga a Te Papa. • He mahi tahi me ētahi atu hoa mahi ki te kōkiri whakamua i ngā kaupapa a te whakahaere whānui, ngā kaupapa mahi whānui me ngā mahi whakawhanake i te whakahaere. • Te whakawhiti mōhio, pūkenga hoki, te tuku kōrero, me te whakangungu hoki/rānei i ngā kaimahi o te Rōpū me ētahi atu kaimahi a Te Papa ina hiahiatia. • Ka mahi tahi me ētahi atu mema o te Rōpū ki te: <ul style="list-style-type: none"> ○ tautoko me te whakatinana i te ahunga rautaki a Te Papa me ngā mahere whakahaere a te tari. ○ whakarite kei te ū ngā mahere me ngā kaupapa ki ngā hiahia o te hunga whai pānga kua tautuhia. ○ whakarite i tētahi aronga whakauru ki ngā kaupapa a te Rōpū. ○ whakariterite i ngā rawa me te whai wāhi atu ki ngā rōpū whakawhiti pekanga mahi ina hiahiatia.



	<ul style="list-style-type: none"> ○ tuku whakaaro ki te whanaketanga me te whakapai ake i ngā hātepe, pūnaha, tukanga, me ngā āhua o te mahi. ○ tuku āwhina tautoko ki ētahi atu hoa mahi o te rōpū ina hiahiatia.
<p>Ngā Hononga Hunga Whai Pānga</p>	<p>Te āta whakatū me te tiaki i ngā kōtuitui me ngā hononga me te hunga whai pānga o roto me waho hei tautoko i te whakaratonga o ngā putanga o te rōpū</p> <ul style="list-style-type: none"> • Te tautuhi me te tuitui taura here me te hunga whai pānga hira. • Ka whakamahi i ēnei hononga hei tautuhi me te kauneke whakamua i ngā arawātea e puta ai ngā painga ingoa pai, pakihi hoki tētahi ki tētahi. • Te whakatipu kōtuitui rāroto me ngā whakakotahitanga ā-roto e tutuki ai ngā putanga whakahaere whānui me tētahi urupare whakauruuru ki te hunga whai pānga, ngā rawa, ngā mahi, te whakaratonga me te matapae. • Te whakakanohi me te whakatairanga i Te Papa, tana matakitenga me ana whāinga, hei whakatipu i te whakahonohono me ngā tautoko ki te hunga whai pānga. Ka tutuki tēnei i runga i te wairua kakama. • He pakari ngā pūkenga whakawhiti kōrero, tae atu ki te āhuatanga whakaawe, ngā pūkenga kauhau ki ngā tūmomo tāngata rerekē. • Te tiaki i ngā hononga ngaio, urupare hoki, te whakarite kei te mārama ngā tūranga, kei te ū ki ngā paiherenga, ā, he tōtika te whakatau i ngā raruraru me ngā take.
<p>Te Whakahaere Rawa</p>	<p>E tautoko ana te Kaitohutohu Rautaki-ā-Iwi i te kakama o te rōpū.</p> <ul style="list-style-type: none"> • Te whakatū me te aroturuki i tō kaupapa mahi. • Te arotake haere i ō kaha onāiane me te whakatipu, te rapu rānei i ngā pūkete e hiahiatia ana. • Te whai whakaaro ki ngā pūtea me te tahua a te rōpū ina whakaputa ana i ngā rongoā. • Te rapu arawātea kia pai ake ai ngā tikanga wāhi mahi e pai ake ai te toitūtanga pakihi o Te Papa. • He āta whai wahi atu ki te tukanga mahinga a te tangata. • He whakauru atu ki ngā kaupapa matua whai take whānui, whakahaere hoki ina tika ana.=
<p>Te Whakahaere Mōrea</p>	<p>Te whakahaere mōrea e pā ana ki te whanaketanga me te whakaratonga o ngā mahi e pā ana ki te tūranga. Ka whakarite te Kaitohutohu Rautaki-ā-Iwi ka aroturuki, ka whakahaerehia hoki ngā mōrea whakaratonga i ia rā.</p> <ul style="list-style-type: none"> • Te tautuhi i ngā mōrea ka taea me ngā rautaki whakangāwari. • Te aroturuki i te tautukunga mā ngā rongoā me te whakaara i ngā mōrea, ngā raru rānei ina tika ana. • Me whakarite e ai ki te Kaupapahere Hauora me te Haumarua a Te Papa me te Ture Hauora me te Haumarua i te Mahi. Kei runga anō i a koe tōu ake hauora me te haumarua.
<p>Whakahaere Panoni</p>	<p>Te whakamana i te ahurea o te whakahaere me te hāpai kia pai haere tonu. Ko tā te Kaitohutohu Rautaki-ā-Iwi he:</p> <ul style="list-style-type: none"> • Te tautuhi arawātea kia pai ake me ngā raru ka whai pānga ki te toitūtanga o te panoni. • Te whakauruuru mai i ngā tikanga whakaaro o Te Papa mō te Mana Taonga, te Whakahaere Whare Taonga me te Ako, i te taha o te tikanga kākanorua me ētahi atu kaupapahere ki roto i ngā tikanga mahi o ia rā. • Te whakatauiria i ngā aronga auaha me te mahi tahi mō te mahi.



	<ul style="list-style-type: none"> • Te whakatauirā me te whakaū i Ngā Uara o Te Papa me te hāngai ki te matakitenga me ngā uara o Te Papa. • Te whakatauirā me te whakatairanga i te huri o Te Papa hei whare taonga ā-Tiriti.
--	---